

Informantenan fada di informenan incorrecto ta splica

BBO a stroba destaho publico Biblioteca Nacional

*Dia Gobierno cuminza paga debenan tin interes

*Falta di mantencion no por worde geschrapt

ORANJESTAD(AAN)
—Esaki ta e problema di Aruba. Mayoria vez, ora gobernantenan papia, nan no ta duna e informacion corecto. Esey tabata e motibo pa cual personanan cu sa kico a pasa cu Biblioteca Nacional a pone DIARIO na haltura kico a pasa. Contratistanan hopi vez ta prefera di no traha pa Gobierno pasobra nan si no ta haya nan pago “per direct” manera omo di Nilo. Ademas na November ningun comerciante por a bisa kico su prijs lo ta pa motibo di BBO. Finalmente a worde muestra, cu mantencion ta nifica cu no ta laga un edificio casi basha abau promer cu drecha y cu den DOW mester por tin un ekipo cu por mantene edificionan na forma permanente.

“E storia cu a worde presenta na comunidad no ta berdad. Talvez riba un presupuesto cu no tabata di DOW, pasobra esey el a sobrepasa caba na November, Ministro Marisol Lopez Tromp por tabata tin 300 Mil Florin pa drecha e edificio di Biblioteca Nacional y Asuntonan Social di San

Nicolas. Pero e mester papia di drecha y no di mantene. Mantencion ta ora continuamente bo ta percura pa edificionan ta den bon estado y no manera ta pasa awor cu tanto edificio di Gobierno.” Opinion di informante clave di DIARIO cu a muestra cu na November aña pasa, ora e edificio ya tabata den sumamente mal estado, Marisol a dicidi cu ta tene un destaho publico, cu manera semper ta den man di DOW. Pakico Gobierno, cu tanto trahador, no tin un ekipo cu ta mantene su edificionan y asina evita despues gastonan enorme pa drecha edificio, no ta conoci. Hecho ta cu a tene un destaho publico, pues a habri oportunidad pa tur hende inscribi nan mes pa e

trabaunan. Contratistanan no a reacciona. Na promer lugar, den comercio cu ta paga, hopi contratista ta ocupa. Den Gobierno bo mester tin hopi pasenshi pa haya bo placa y hendenan cu otro trabau pa haci no ta bay para den fila pa ofrece nan servicio y worde paga ora Gobierno tin algo di placa. “No lubida, cu ta basta debe Gobierno tin riba mercado local,” a worde muestra na DIARIO. Na cierto momento den DOW mes e iniciativa a worde tuma pa acerca algun contratista pa puntra si nan no ta interesa pa haci e trabau. Nan a muestra cu ta sumamente dificil pa na e momento nan bisa pa cuanto nan por haci e trabau.

Na November tur comerciante y tambe contratistanan tabata den incertidumbre cuanto gasto extra BBO lo a nifica pa nan y nan lo mester a inclui e suma den e prijs. “Bisa 300 Mil y despues BBO hacie 400 Mil ta nifica cu bo ta raha cu perdida,” nformantenan a bisa DIARIO. Contratistanan a haya razon pasobra BBO a subi prijsnan inmediatamente na un nivel nas halto cu a spera. A worde enfatiza na DIARIO cu no ta falta di contratista a haci cu e biblioteca no a worde renoba, loke ta e palabra corecto. Hecho ta cu no ta mantene edificionan periodicamente manera mester haci y esey ta motibo cu despues mester di

sumanan halto of mester cumpra otro edificio, loke ta sali mas costoso. Segun e informantenan ta bira tempo pa duna informacion corecto na Pueblo y no loke Gobierno kier pa Pueblo haya sa. Den e caso aki tabata tin negligencia pisa pa loke ta trata mantencion di e edificio loke no ta nada straño den Gobierno, cu tin cantidad di edificio den estado deplorabel y por reduci e costonan pa Pueblo si nan laga nan propio departamentonan haci e trabau.

TELEFONNAN DI DIARIO
582-6747- FAX 582-8551

CAYA REAL ESTATE TA SALIENDO MANERA PADDESTOEL!!



**BEST
DEAL**

Tel: 5827100
(Pariba di Aruba Bank, Paradera)

**STOCK
NOBO
A JEGA**

Jossy Mansur na e famia di Ladronnan!

Como cu mi no tin nada di splica boso, cu ta un famia di ladronnan, mi no ta bay hacie tampoco. Lo unico cu mi por bisa boso ta:

1. Mi no a falsifica volmacht y a bay cera pa falsificacion y fraude!
2. Mi no a cobra declaraties pa trabao di heavy equipment cu mi no a haci (fraude y ladronia!).
3. Mi no a horta placa di AZV cu facturanan falso den careda di varios miyon di Florin (fraude y ladronia!).

Y por ultimo, mi no ta e Prome Ministro cu a autoriza e

transaccion mas grandi di droga conoci den e historia di Aruba y cu ta carga e number di "Cargozaak"; y mi no a bay radio pa admiti cu mi a *autorize* y cu mi lo bolbe hacie cuanto biaha cu mi kier!

Tin hopi otro cos pa nos papia ariba, pero te aki mi por duna e famia di ladronnan parti di mi tempo valioso awor cu mi ta den exterior.

Dia mi bolbe Aruba nos los sigui combersa riba Cargozaak, ladronia di boticanan, declaraties fraudulentu, falsificacion di volmacht, y transaccionnan di droga (Cargozaak, Barco Daniel Leo, 'djis un tiki droga' na aeropuerto, y Ocando Paz!)

Preocupacion pa maneho den carta

Ady Thijzen kier lista di proyecto Marisol

* Maneho di Marisol lo ta worde cuestiona

ORANJESTAD(AAN)

—Un actitud critico ta loke Ady Thijzen a bisa cu e lo hiba. E actitud aki lo a haci cu e lo a manda un carta pa Presidente di Parlamento, den cual e ta cuestiona e maneho di Ministro Marisol Lopez-Tromp seriamente. E preguntanan cu Thijzen ta haci, ta cuadra cu preocupacion di hopi hende den comunidad y si di berdad e carta cu preguntanan a worde entrega na Parlamento, mester bisa cu porfin den Parlamento un persona cu ta sostene Gobierno, ta exige loke tanto tur hende ta anhelar: e lista di proyectonan di Marisol! E preocupacion cu ta existi pa proyectonan na Aruba ta hopi conoci. E maneho di Marisol y hasta su escho di coordinador, ta algo cu ta causa hopi pregunta na Aruba, caminda tambe esnan cu no tin placa, manera esnan cu kiosco ta puntra nan mes con cierto grupo si ta haya hasta acera y caya, mientras nan no por haya ni un sitio chikito pa nan bende nan productonan y haya un entrada. Segun informacionnan cu

DIARIO a ricibi den fin di siman for di seno di MEP, Ady Thijzen lo a manda un carta pa Presidente di Parlamento den cual e ta haci un serie di pregunta encunto e maneho di Ministro Marisol Lopez-Tromp.

DIARIO mester bisa cu porfin den un carta na Presidente di Parlamento, procedente di e mayoria di MEP den Parlamento, e maneho di Marisol ta worde cuestiona pero mas ainda ta pidi pa un lista di tur terenonan cu a worde otorga door di Marisol.

Segun e informantenan, Thijzen lo a basa su mes ariba e preguntanan cu tin den Pueblo entorno con terenonan ta worde reparti, mientras tambe cu e maneho di Marisol lo ta inclui un benta di patrimonio di Pueblo.

Thijzen den su preguntanan lo ta puntra si por papia di un maneho di favoritismo di parti di Marisol, cu tambe ta bay contra preservacion di naturaleza y patrimonio di Aruba.

Hustamente den edicion di

DIARIO awe hopi atencion ta worde dedica na e topiconan aki, debi na

informacionnan sumamente alarmante cu ta drenta y e

rumbo cu proyectonan ta coy, mientras e Ministro mes

no ta sali dilanti pa splica su maneho.

Ido Yanez a fayece

ORANJESTAD (AAN): Despues di a pasa den algun tempo ta sufri cu kebrante di salud, riba Diadomingo,

Dios a tuma Ido Yanez den Su reino.

Ido Yanez ta director di Oficina di Seguridad

Nacional. E ta conoci tambe como tata di e conocido locutor y DJ, Ivo Yanez.

Ido den tur sentido di palabra, ta un 'self-made man'. Hopi ta corde cu su talentonan multifacetico trahando na Biblioteca Nacional. El a sigui desaroya su mes despues riba tereno hudicial, y asina a sigui subi e trapi pa progreso y conocimiento.

El a worde nombra na e puesto di Seguridad Nacional na 1997, y a keda ocupa esaki te Diadomingo ora cu el a fayece. Ultimo tempo el a viaha e.o. pa Hulanda pa haci un operacion, y na su regreso a bolbe haya dolor. El a worde interna brevemente na Hospital, y despues a bay na cas, unda cu Diadomingo el a fayece.

Ido Yanez ta conoci tambe como un persona kende a stima su yiunan masha hopi mes.

Na su famia, sernan stima, y tur amigonan, DIARIO ta manda su mas sentido palabra di pesame.

